

გლობალიზებულ მსოფლიოში
ჯანმრთელობის ხელშეწყობის
ბანკოვის ქარტია



დაავადებათა კონტროლისა და საზოგადოებრივი ჯანმრთელობის ეროვნული ცენტრი

2015 წელი

საქართველო

ჯანმრთელობის ხელშეწყობა ხელს უწყობს ჯანმრთელობის მსოფლიო ორგანიზაციის (ჯანმო) კორპორაციული სტრატეგიის განვითარებას და მის განუყოფელ ნაწილს წარმოადგენს

ჯანმრთელობის ხელშეწყობა ხელს უწყობს გაზრდილი სიკვდილიანობის შემცირებას, წამყვანი რისკ ფაქტორებისა და ჯანმრთელობის დეტერმინანტების პრობლემის გადაჭრას, ჯანდაცვის მდგრადი სისტემების გაძლიერებას და ჯანმრთელობას განვითარების მრავლისმომცველი დღის წესრიგის ცენტრალურ პოზიციაზე აყენებს.

ქვეყანათა დიდი ნაწილი პოპულაციის ბრდის, ურბანიზაციისა და ამავდროულად გარემოსა და სხვა ცვლილებების შედეგად უპრეცედენტო სოციალურ ტრანსფორმაციას განიცდის. ეს პროცესი ხშირად დაჩქარებულია ვაჭრობისა და კომუნიკაციის გლობალიზაციით და ახალი კომპლექსური გამოწვევებით. მოცემული ცვლილებების ფონზე დგება ახალი მიდგომების შემუშავების საჭიროება, რათა მოხდეს ჯანმრთელობის მრავლობითი დეტერმინანტების საკითხის გადაჭრა.

პირველადი ჯანდაცვის კონტექსტში ჯანმრთელობის ხელშეწყობა კრიტიკულ როლს თამაშობს როგორც გადამდები და ასევე არაგადამდები დაავადებების პრევენციისა და კონტროლის გამოსავალის გაუმჯობესებაში, ასევე, ათასწლეულის განვითარების მიზნების მიღწევაში, განსაკუთრებით ღარიბი და მარგინალიზებულ ჯგუფებში. დასახული მიზნის მისაღწევად, ჯანმო იყენებს ჯანმრთელობის ხელშეწყობის ტექნიკას ჯანდაცვისა და მასთან დაკავშირებულ სოციალურ სისტემებში მრავალრიცხოვან რისკ ფაქტორებთან, დაავადებებთან და ჯანმრთელობის პრობლემებთან (მათ შორის პირის ღრუს ჯანმრთელობა) მიმართებაში. ჯანმრთელობის ხელშეწყობა, სექტორში, სადაც ადამიანები ცხოვრობენ, მუშაობენ, სწავლობენ და თამაშობენ, ჯანმრთელობისა და ცხოვრების ხარისხის გაუმჯობესების კრეატიულ და ეფექტურ საშუალებას წარმოადგენს. ჯანმრთელობის ხელშეწყობა გადამწყვეტ როლს თამაშობს ჯანმრთელობაზე ორიენტირებული საზოგადოებრივი პოლიტიკისა და ჯანმრთელობის ხელშეწყობი გარემოს განვითარებაში, ისევე როგორც დადებითი სოციალური მდგომარეობისა და პერსონალური უნარჩვევების შემუშავებასა და ჯანსაღი ცხოვრების სტილის დამკვიდრებაში.

ძირითადი გამოწვევები:

ბევრ ქვეყანაში ჯანმრთელობის ხელშეწყობის მრავალსექტორული პოლიტიკისა და პროგრამების მოცულობის და ინფრასტრუქტურის დაგეგმვა/ განხორციელება საჭიროებს გაძლიერებას. ისინი განიცდიან მდგრადი, ეფექტური ჯანმრთელობის ხელშეწყობის პოლიტიკის, ადამიანური და ფინანსური რესურსების სიმწირეს, რაც, თავის მხრივ, აფერხებს ჯანმრთელობის რისკებსა და ძირითად დეტერმინანტებზე რეაგირებას. სწორედ ამიტომ საჭიროა ჯანმრთელობის სისტემები უფრო მეტად იყვნენ ორიენტირებულნი ჯანმრთელობის ხელშეწყობაზე, გაიზარდოს შესაძლებლობები ჯანმრთელობის ხელშეწყობის და პოპულარიზაციის მიმართულებით (მაგ: ახალი, ინოვაციური გზების მოძიება მდგრადი ფინანსური რესურსის შესაქმნელად, ჯანმრთელობის ხელშეწყობის ზუსტი და განახლებული სქემების შემუშავება, განათლებისა და სწავლების გაძლიერება ამ მიმართულებით, მტკიცებულებებზე დაფუძნებული ბაზის გაფართოება ჯანმრთელობის ხელშეწყობისათვის).

ჯანმრთელობის ხელშეწყობის პოლიტიკის მხარდასაჭერად ასევე აუცილებელია საკითხის აქტიური ადვოკატირება და სოციალური მობილიზაცია. ეფექტური პოლიტიკის შემუშავებისა და განვითარებისათვის მნიშვნელოვანია მრავალსექტორული, მრავალპარტნიორული და ფართო თემების ჩართულობა. მთავრობებმა უნდა შეასრულონ უფრო დიდი როლი ჯანსაღი საზოგადოებრივი პოლიტიკის (healthy public policies) შემუშავებაში, ხოლო ჯანმრთელობის დაცვის სამინისტროებმა უნდა მოახდინონ საკითხის ადვოკატირება ჯანსაღი საზოგადოებრივი პოლიტიკის შემუშავებისა და დანერგვისათვის.

ჯანმრთელობის მსოფლიო ასამბლეის 51.12 მიხედვით, ჯანმრთელობის მსოფლიო ორგანიზაციის დღის წესრიგში ჯანმრთელობის ხელშეწყობის საკითხს უნდამიენიჭოს პრიორიტეტული როლი; გლობალური კონფერენციების თანახმად მაგ: ოტავა (1986), ადელაიდე, ავსტრალია (1988), სუნდსვალი, შვედეთი, (1991); ჯაკარტა (1997) და ქალაქი მეხიკო (2000); ჯანმრთელობის ხელშეწყობა უნდა გაძლიერდეს ყველა მიმართულებით, რათა მოხდეს გაეროს წევრი ქვეყნების ეფექტური მხარდაჭერა.



ჯანმრთელობის ხელშეწყობის სტრატეგიები

სტრატეგიული მიდგომები

ჯანმრთელობის მსოფლიო ორგანიზაციის (ჯანმო) ჯანმრთელობის ხელშეწყობის სტრატეგიულ მიდგომებს წარმოადგენს:

- ჯანმრთელობის ხელშეწყობის და რისკების პრევენციის მხარდამჭერი პოლიტიკის და ინვესტირების ადვოკატირება
- ჯანმრთელობის ხელშეწყობი გარემოსა და საზოგადოებრივი ჯანდაცვის მომსახურების მხარდაჭერა
- მდგრადი დაფინანსების გაძლიერება და მტკიცებულებაზე დაფუძნებული ჯანმრთელობის ხელშეწყობის საჭიროება
- ჯანმრთელობის განმსაზღვრელი ფაქტორების შესახებ ცნობიერების ამაღლება

მოსალოდნელი მასშტაბური შედეგები

ჯანმრთელობის ხელშეწყობის გასაძლიერებლად ჯანმო-ს უახლოეს წლებში გააჩნია ხუთი კონკრეტული მოსალოდნელი შედეგი. ჯანდაცვის სისტემებსა და მმართველობებში ჯანმრთელობის ხელშეწყობის ინტეგრირებისათვის ხელმძღვანელობის გააქტიურება, ხანდაზმულობისა და პირის ღრუს ჰიგიენის ჩათვლით. ჯანმრთელობის ხელშეწყობის მრავალდარგობრივი პოლიტიკის დაგეგმვა და განხორციელება, პროგრამების გაძლიერება ქვეყნისა და რეგიონალურ დონეზე გენდერულ-სენსიტიური მიდგომების საფუძველზე, ზოგიერთი მათგანის ჯანმრთელობის ხელშეწყობისა და კეთილდღეობისათვის.





გლობალიზებულ მსოფლიოში ჯანმრთელობის ხელშეწყობის ბანკოკის ქარტია.

შესავალი

ბანკოკის ქარტია გლობალიზებულ მსოფლიოში, ჯანმრთელობის ხელშეწყობის მიზნით, განსაზღვრავს ჯანმრთელობის დეტერმინანტებთან დაკავშირებული ქმედებების, ვალდებულებებისა და დაპირებების გადაუდებელ გადაწყვეტილებებს.

მიზანი

ბანკოკის ქარტია ახმოვანებს თანამშრომლობის პოლიტიკას, რომელიც მიმართულია თემების შესაძლებლობების გაძლიერებაზე, ჯანმრთელობის მდგომარეობის გაუმჯობესებასა და თანასწორობის ხელმისაწვდომობის გაზრდაზე. ეს უნდა იყოს გლობალური და ეროვნული განვითარების ძირითადი საკითხი.

ბანკოკის ქარტია ავსებს და ეფუძნება ოტავის ქარტიის (ჯანმრთელობის ხელშეწყობის პირველი საერთაშორისო კონფერენცია, ოტავა, კანადა, 1986წ) მიერ, ჯანმრთელობის ხელშეწყობის გაძლიერების მიზნით მიღებულ დადგენილებებსა და რეკომენდაციებს, რომელსაც თავის დროზე ჯანდაცვის მსოფლიო ასაბლელზე მხარი დაუჭირეს წევრმა ქვეყნებმა.



უდიტორია

ბანკოკის ქარტია განკუთვნილია იმ ხალხის, ჯგუფებისა და ორგანიზაციებისათვის, რომელთაც საზოგადოებრივი ჯანმრთელობის ხელშეწყობის განვითარებაში მნიშვნელოვანი როლი და შესაძლებლობა გააჩნიათ. მ/შ:

- მთავრობები და პოლიტიკოსები ყველა დონეზე
- სამოქალაქო საზოგადოება
- კერძო სექტორი
- საერთაშორისო ორგანიზაციები და
- საზოგადოებრივი ჯანმრთელობის თემები

ჯანმრთელობის ხელშეწყობა

გაერთიანებული ერების ორგანიზაცია (გაერო) აღიარებს, რომ უმაღლესი დონის ჯანმრთელობის სტანდარტზე წვდომა თითოეული ადამიანის ფუნდამენტური უფლებაა დისკრიმინაციის გარეშე.

ჯანმრთელობის ხელშეწყობა ეფუძნება ადამიანის ამ უმნიშვნელოვანეს უფლებას და წარმოადგენს კარგი ჯანმრთელობის, როგორც ცხოვრების ხარისხის, (მ/შ ფსიქიური და გონებრივი კეთილდღეობა), მაჩვენებლის ყოვლისმომცველ კონცეფციას.

ჯანმრთელობის ხელშეწყობა არის პროცესი, რომელიც საშუალებას აძლევს ადამიანს, აკონტროლოს თავისი ჯანმრთელობა და ჯანმრთელობის დეტერმინანტები, ის წარმოადგენს საზოგადოებრივი ჯანმრთელობის ძირითად ფუნქციას და ხელს უწყობს გადამდები, არაგადამდები და სხვა ჯანმრთელობისათვის საშიშ დაავადებებთან ბრძოლის გაფართოებას.



ჯანმრთელობის დაბარიანანბთან დაკავშირებული საკითხები

შეცვლილი კონტექსტი

დროთა განმავლობაში ოტავის ქარტიის ჯანმრთელობის ხელშეწყობის გლობალური კონტექსტი მნიშვნელოვნად შეიცვალა და თანამშრომლობის ახალ შესაძლებლობებს იძლევა.

ჯანმრთელობაზე მოქმედი კრიტიკული ფაქტორები:

ამჟამად, ჯანმრთელობაზე მოქმედ კრიტიკულ ფაქტორად მიჩნეულია:

- ქვეყნებში და ქვეყნებს შორის მზარდი უთანასწორობა
- კომუნიკაციისა და მოხმარების ახალი მოდელი
- კომერციალიზაცია
- გარემოს გლობალური ცვლილება
- ურბანიზაცია

შემდგომი გამოწვევები

სწრაფი და ნაწილობრივ არასასურველი სოციალური, ეკონომიკური, დემოგრაფიული ცვლილებები და ჯანმრთელობაზე მოქმედი სხვა ფაქტორები, რომლებიც ზეგავლენას ახდენენ შრომის პირობებზე, სასწავლო გარემოზე, ოჯახური ურთიერთობების ხასიათსა და საზოგადოების კულტურულ - სოციალურ მდგომარეობაზე.

ქალები და მამაკაცები არასასურველ გავლენას განსხვავებულად

განიცდიან. გაიზარდა ბავშვთა დაუცველობა, გაუცხოება - მოსახლეობის მარგინალურ ჯგუფს, შშმ პირებსა და მკვიდრ მოსახლეობას შორის.

ახალი შესაძლებლობები

გლობალიზაცია ჯანმრთელობის ხელშეწყობისა და ტრანსეროვნული ჯანმრთელობის რისკების შემცირების მიზნით თანამშრომლობის ახალ შესაძლებლობებს იძლევა;





ეს შესაძლებელია:

- განვითარებული საინფორმაციო-საკომუნიკაციო ტექნოლოგიებით
- გლობალური მართვისა და გამოცდილების გაზიარების თანამედროვე მექანიზმებით

პოლიტიკის თანმიმდევრულობა

გლობალიზაციის გამოწვევების სამართავად აუცილებელია შეთანხმებული/ თანმიმდევრული პოლიტიკის უზრუნველყოფა:

- სამთავრობო დონეზე
- გაეროს საერთაშორისო ორგანიზაციაში
- კერძო სექტორსა და სხვა ორგანიზაციებში

ასეთი თანმიმდევრული პოლიტიკა უზრუნველყოფს პროცესის გამჭვირვალობას, ანგარიშვალდებულებას, საერთაშორისო შეთანხმებებისა და ხელშეკრულებების შესრულების ხარისხის გაზრდას, რომელიც გავლენას ახდენს ჯანმრთელობაზე.

მიღწეული პროგრესი

მიღწეულია გარდამტეხი პროგრესი ჯანმრთელობის ხელშეწყობის მიმართულებით მაგალითად, ათასწლეულის განვითარების ფონდის დახმარებით, თუმცა აუცილებელია გაკეთდეს კიდევ უფრო მეტი; ამ პროცესში მნიშვნელოვანია სამოქალაქო საზოგადოების ჩართულობა.

ჯანმრთელობის ხელშეწყობის სტრატეგიები გლობალიზებულ მსოფლიოში

ეფექტური ინტერვენციები

მსოფლიოში ჯანმრთელობის ხელშეწყობის პირობების გაუმჯობესება (ჯანმრთელი სამყაროს პროგრესი), მოითხოვს ძლიერ პოლიტიკურ ქმედებებს, ფართო მონაწილეობასა და მტკიცე ადვოკაციას - თანმიმდევრულ საინფორმაციო-საგანმანათლებლო მუშაობას. ჯანმრთელობის ხელშეწყობას აქვს აპრობირებული, ეფექტური სტრატეგიები, რომლებიც ბოლომდე უნდა იქნეს გამოყენებული.

აუცილებელი ქმედებები

ამ სტრატეგიების განხორციელებაში წინსვლისათვის ყველა სექტორებმა და სუბიექტმა უნდა იმოქმედოს, რათა მოხდეს:

- ჯანმრთელობასთან დაკავშირებული ადამიანის უფლებებისა და სოლიდარობის ადვოკაცია
- მდგრადი პოლიტიკის, ქმედებების და ინფრასტრუქტურის ინვესტირება, რომელზემაც დამოკიდებულია ჯანმრთელობის დეტერმინანტები
- შესაძლებლობების ქონა, რათა განვითარდეს პოლიტიკა, ლიდერობა, ჯანმრთელობის ხელშეწყობის პრაქტიკა, ცოდნის გადაცემა, კვლევა და განათლება
- დარეგულირება და კანონის მიღება - ზიანისაგან დაზღვევის მიზნით და თითოეული ადამიანის ჯანმრთელობისა და კეთილდღეობის უზრუნველსაყოფად მათთვის თანაბარი შესაძლებლობის მიცემა
- პარტნიორული ალიანსების ჩამოყალიბება, მდგრადი ქმედებების მიზნით საჯარო, კერძო, არასამთავრობო, საერთაშორისო ორგანიზაციებთან და სამოქალაქო საზოგადოებასთან

ჯანმრთელობის ხელშეწყობის ვალდებულებები

დასაბუთება

ჯანდაცვის სექტორს მნიშვნელოვანი როლი ენიჭება ზოგადად პოლიტიკისა და ჯანმრთელობის ხელშეწყობის პარტნიორული ურთიერთობების განვითარებაში.

ჯანმრთელობის დეტერმინანტებთან დაკავშირებული საკითხების პროგრესი, სამთავრობო და საერთაშორისო ორგანიზაციების დონეზე, მნიშვნელოვნადაა დაკავშირებული ამ მიმართულებით პოლიტიკისადმი კომპლექსურ მიდგომასთან, ასევე სხვადასხვა კონტექსტში სამოქალაქო საზოგადოებისა და კერძო სექტორის მხარდაჭერასთან.

ძირითადი ვალდებულებები

ოთხი ძირითადი ვალდებულება, რათა ჯანმრთელობის ხელშეწყობა გახდეს:

1. გლობალური განვითარების პროგრამის ცენტრალურ საკითხად
2. სახელმწიფოს ძირითად ფუნქციად
3. სამოქალაქო საზოგადოების მთავარ საკითხად
4. კორპორატიული პრაქტიკის ძირითად მოთხოვნად

1. გლობალური განვითარების პროგრამის ცენტრალური საკითხი

აუცილებელია მნიშვნელოვანი სამთავრობოშორისო შეთანხმებები, რომელიც რეგიონში ჯანმრთელობისა და კოლექტიური უსაფრთხოების საკითხს გააუმჯობესებს. მთავრობისა და საერთაშორისო ორგანიზაციების მიერ გარკვეული ნაბიჯების გადადგმა, რათა შემცირდეს მდიდარ და ღარიბ მოსახლეობას შორის ჯანმრთელობის მხრივ არსებული სხვაობა. აუცილებელია, ჯანმრთელობის კუთხით გლობალური მექანიზმების შემუშავება, რათა აღმოიფხვრას ყველა გვერდითი მოვლენა: ვაჭრობის, პროდუქტების, მომსახურების, მარკეტინგული სტრატეგიის კუთხით.

ჯანმრთელობის ხელშეწყობა შიდა და საგარეო პოლიტიკის მნიშვნელოვან ნაწილს უნდა წარმოადგენდეს, მათ შორის კონფლიქტებისა და საომარი სიტუაციების დროს.

ამისათვის აუცილებელია გარკვეული ნაბიჯების გადადგმა სამთავრობო, სამოქალაქო და კერძო სექტორებს შორის დიალოგისა და ურთიერთ თანამშრომლობისაკენ. ამის შესანიშნავ მაგალითს მსოფლიო ჯანდაცვის ორგანიზაციის მიერ შემუშავებული თამბაქოს კონტროლის ხარჩო კონვენცია წარმოადგენს.

2. სახელმწიფოს ძირითადი ფუნქცია

მართველობის ყველა დონეზე უნდა დაიწყოს ჯანმრთელობის პრობლემებისა და უთანასწორობის გადაჭრა, რადგანაც ჯანრთელობა წარმოადგენს სოციალურ-ეკონომიკური და პოლიტიკური განვითარების მთავარ დეტერმინანტს.

მმართველობის ორგანოებმა ადგილობრივ, რეგიონალურ და ნაციონალურ დონეზე :


- პრიორიტეტი მიანიჭონ როგორც ჯანმრთელობის სექტორში, ასევე მის ფარგლებს გარეთ ჩადებულ ინვესტიციებს
- უზრუნველყონ ჯანმრთელობის დაფინანსების გაძლიერება

ამისათვის, სახელმწიფოებრივი მმართველობის ყველა დონემ გარკვეული ზეგავლენა უნდა მოახდინოს ჯანმრთელობის პოლიტიკისა და კანონმდებლობის კუთხით. ისეთი ინსტრუმენტების გამოყენებით, როგორცაა კაპიტალზე ორიენტირებული ჯანდაცვის ზემოქმედების შეფასება.

ჯანმრთელობის უზრუნველყოფა ყველასათვის

3. ჯანმრთელობის გაუმჯობესების სამოქალაქო საზოგადოებისა და გაერთიანებების ყურადღების ცენტრში მოქცევა.

თემები და სამოქალაქო საზოგადოება ხშირად გვევლინება ჯანმრთელობის გაუმჯობესებისათვის საჭირო ღონისძიებების განსაზღვრისა და რეალიზაციის ინიციატივის ლიდერად. მათთვის აუცილებელია მიეცეთ უფლებები, რესურსები და შესაძლებლობები, რათა მყარად და საფუძველიანად გაზარდონ თავიანთი წვლილი. ნაკლებად განვითარებულ თემებში განსაკუთრებით მნიშვნელოვანია მხარდაჭერის მოპოვება და პოტენციალის განვითარება.



კარგად ორგანიზებული და ფართო შესაძლებლობის მქონე თემებს ეფექტურად შეუძლიათ განსაზღვრონ საკუთარი ჯანმრთელობის ხარისხი, აქვთ შესაძლებლობა უზრუნველყონ სამთავრობო და კერძო სექტორის მიერ გატარებული ჯანმრთელობის პოლიტიკისა და პრაქტიკის ანგარიშგაღებულება. სამოქალაქო საზოგადოებამ უნდა გამოიყენოს ზეგავლენა ბაზარზე, მიანიჭოს უპირატესობა საქონელს, მომსახურებასა და კომპანიის აქციებს, რომელიც კორპორაციული სოციალური პასუხისმგებლობის მოდელია. სამოქალაქო საზოგადოებისა და ქალთა ორგანიზაციების მიერ განხორციელებულმა ახალმა პროექტებმა გვიჩვენა მისი ეფექტურობა ჯანმრთელობის გაუმჯობესების საკითხებში. განსაკუთრებული წვლილი უნდა შეიტანოს ჯანმრთელობის დაცვის სპეციალისტების ჯგუფმა.

4. ჯანმრთელობის გაუმჯობესება ვაქციით კორპორატიული პრაქტიკის აუცილებელ ელემენტად.

კორპორატიულ სექტორს აქვს პირდაპირი ზეგავლენა ჯანმრთელობის დეტერმინანტებსა და ხალხის ჯანმრთელობაზე, ის მოქმედებს:

- ადგილობრივ პირობებზე
- ეროვნულ კულტურაზე
- გარემოს დაცვასა და
- მატერიალური ფასეულობების გადანაწილებაზე.

კერძო სექტორი, მსგავსად სხვა დამსაქმებლებისა და არაფორმალური სექტორისა, ვალდებულია უზრუნველყოს ჯანმრთელობის დაცვა და უსაფრთხოება სამუშაო ადგილზე, ასევე თავისი თანამშრომლების, მათი ოჯახებისა და თემების ჯანმრთელობა და კეთილდღეობა. კერძო სექტორს ასევე შეუძლია შემამსუბუქებელი ზეგავლენა იქონიოს ჯანმრთელობაზე მოქმედ გლობალურ ფაქტორებზე. მაგალითად, გარემოს გლობალურ ცვლილებებზე, ადგილობრივი, ნაციონალური და საერთაშორისო წესებისა და შეთანხმებების გათვალისწინებით, რომლებიც უზრუნველყოფენ ჯანმრთელობის გაუმჯობესებასა და დაცვას. საქმიანობისადმი ეთიკური და პასუხისმგებლობით მიდგომა და სამართლიანი ვაჭრობა წარმოადგენს მაგალითს ისეთი საქმიანი პრაქტიკისა, რომელსაც მხარი უნდა დაუჭირონ მომხმარებლებმა და სამოქალაქო საზოგადოებამ, ასევე მაკონტროლებელმა ორგანოებმა, შესაბამისი წესებისა და წახალისების გამოყენებით.

გლობალური წვლილი წარმატებაში

ყველაფერი ჯანმრთელობისათვის

ამ ვალდებულებების აღსრულება აპრობირებული სტრატეგიების, ახალი ხედვებისა და ინოვაციების გამოყენებას მოითხოვს.

პარტნიორობა, ალიანსი, კავშირები და თანამშრომლობა აერთიანებს ადამიანებსა და ორგანიზაციებს ერთი საერთო მიზნის ირგვლივ და მიმართულია მოსახლეობის ჯანმრთელობის გაუმჯობესებისკენ.

თითოეულ სექტორს - საერთაშორისო, სამთავრობო, სამოქალაქო საზოგადოება და კერძო - საკუთარი, უნიკალური როლი და პასუხისმგებლობა აკისრია.

ხარვეზების აღმოფხვრა

ოტავის ქარტიის მიღების მომენტიდან, ჯანმრთელობის მხარდაჭერის ხელშეწყობაზე ნაციონალურ და გლობალურ დონეზე რეზოლუციების მნიშვნელოვან რაოდენობას მოეწერა ხელი, თუმცა ამას არ მოჰყოლია ქმედითი ღონისძიებები.

ბანკოკის კონფერენციის მონაწილეები დაჟინებით მოუწოდებენ ჯანმოს წევრ ქვეყნებს აღმოფხვრან ეს ხარვეზები და გადავიდნენ თანამშრომლობის პოლიტიკაზე, რომელიც პრაქტიკული ქმედებებისკენაა მიმართულია.





მოწოდება მოქმედებისაკენ

კონფერენციის მონაწილეები სთხოვეს ჯანმრთელობის და მის წევრ ქვეყნებს სხვა მხარეებთან თანამშრომლობით ჯანმრთელობის გაუმჯობესებისათვის გამოყონ რესურსები, წამოიწყონ სამოქმედო გეგმა, მოახდინონ შესრულებული სამუშაოს შესაბამისი მაჩვენებლებისა და მიზნების გაკონტროლება; აგრეთვე რეგულარულად წარმოადგინონ ანგარიში მიღწეული პროგრესის შესახებ. გაერთიანებული ერების ორგანიზაციას ჯანმრთელობის ინტერესების ფარგლებში ეთხოვა შეისწავლოს საკითხი გლობალური შეთანხმების შემუშავების სარგებლობაზე.

მსოფლიო პარტნიორობა

ბანგკოკის ქარტია ყველა დაინტერესებულ მხარეს მოუწოდებს ჯანმრთელობის განმტკიცებისთვის ჩაერთონ საერთაშორისო პარტნიორობაში, მიიღონ რა ვალდებულებები და გადადგან კონკრეტული ნაბიჯები როგორც გლობალურ, ასევე ადგილობრივ დონეებზე.

ჯანმრთელობის ხელშეწყობის ვალდებულება

ჩვენ, ბანგკოკის ჯანმრთელობის ხელშეწყობის VI კონფერენციის მონაწილენი, გპირდებით იმ ვალდებულებების მოქმედებაში მოყვანას, რაც ხელს შეუწყობს ჯანმრთელობას.



ინფორმაციის წყარო

ვებ-გვერდები

- http://www.who.int/healthpromotion/conferences/6gchp/BCHP_Russian%20version.pdf?ua=1
- http://www.who.int/healthpromotion/conferences/6gchp/hpr_050829_%20BCHP.pdf?ua=1
- <http://www.who.int/healthpromotion/about/en/>
- <http://www.who.int/healthpromotion/about/challenges/en/>
- <http://www.who.int/healthpromotion/about/strategy/en/>

მასალა დაბეჭდილია 2015 წლის „ჯანმრთელობის ხელშეწყობის“ სახელმწიფო
პროგრამის ფარგლებში

**ინფორმაციისათვის ეწვიეთ ჩვენს ინტერნეტ გვერდს:
www.ncdc.ge და შემოგვიერთდით ფეისბუკ გვერდზე:
„ჯანმრთელობის ხელშეწყობა“.**

დაავადებეთა კონტროლისა და საზოგადოებრივი

ჯანმრთელობის ეროვნული ცენტრი.

